

Novčani dio Nagrade iz člana 5. Odluke, raspoređuje se članovima grupe u jednakim iznosima.

Član 8.

U jednoj godini može se dodijeliti najviše po jedna kolektivna, jedna pojedinačna i jedna grupna Nagrada.

Nagrada se istom licu, iz člana 3. Odluke, može dodijeliti samo jedanput.

Član 9.

Nagrada se dodjeljuje svake godine i uručuje 6. aprila, na Svečanoj sjednici Gradskog vijeća.

Nagradu uručuje gradonačelnik.

Član 10.

Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica.

Subjekti iz stava 1. ovog člana, nemaju pravo isticanja sopstvene kandidature za Nagradu.

Prijedlog iz stava 1. ovog člana podnose upravni ili nadzorni odbori kao ovlašteni organi upravljanja, odnosno odlučivanja privrednih društava, ustanova, udruženja i drugih pravnih lica.

Pravo predlaganja kandidata za Nagradu ima i gradonačelnik.

Član 11.

Prijedlog iz stava 3. prethodnog člana dostavlja se u tri (3) primjerka sa detaljnim podacima i obrazloženjem.

Obrazloženje sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže za Nagradu.

Član 12.

Gradsko vijeće obrazuje Odbor za dodjelu "Šestoaprilske nagrade Grada Sarajeva" (u daljnjem tekstu: Odbor).

Odbor iz stava 1. ovog člana čine članovi Komisije za izbor i imenovanje Gradskog vijeća i šest istaknutih javnih djelatnika iz oblasti za koje se Nagrada dodjeljuje.

Kolegij Gradskog vijeća Grada Sarajeva kandidira Komisiji za izbor i imenovanje kandidate za članove Odbora iz reda istaknutih javnih djelatnika, iz prethodnog stava. Komisija za izbor i imenovanje utvrđuje prijedlog i upućuje ga Gradskom vijeću Grada Sarajeva na razmatranje i usvajanje.

Predsjednik i zamjenik predsjednika Komisije za izbor i imenovanje Gradskog vijeća su predsjednik i zamjenik predsjednika Odbora.

Mandat članova Odbora iz reda istaknutih javnih djelatnika traje godinu dana.

Član 13.

Odbor iz prethodnog člana ove odluke, na prvoj sjednici, donosi Poslovnik kojim se uređuje način rada, a posebno se

definira tajnost rada Odbora, do donošenja konačne odluke o dodjeli Nagrade.

Član 14.

Odbor podnosi izvještaj Gradskom vijeću sa prijedlogom kandidata za dodjelu Nagrade.

Član 15.

O dodjeljivanju Nagrade odlučuje Gradsko vijeće na prijedlog Odbora.

Član 16.

Nagrada koja se dodjeljuje pojedincu, odnosno grupi, može se oduzeti.

Pod oduzimanjem nagrade podrazumijeva se oduzimanje povelje pojedincu, odnosno članu grupe. Nagrada se oduzima ako je nagrađeno lice pravosnažnom sudskom presudom osuđeno od Međunarodnog suda za ratne zločine počinjene na teritoriji bivše Jugoslavije, ili koje je pravosnažnom sudskom presudom, od bilo kojeg suda sa područja Bosne i Hercegovine, osuđeno za krivično djelo protiv života i tijela na kaznu zatvora od najmanje godinu dana, protiv slobode i prava građana, protiv dostojanstva osobe i morala, protiv imovine, protiv pravosuđa, protiv službene i druge odgovorne dužnosti, protiv osnova društvenog uređenja i sigurnosti.

Nagrada se može oduzeti ako je nagrađeno lice pravosnažnom sudskom presudom osuđeno na kaznu zatvora preko tri godine ili težu kaznu, a ne radi se o krivičnom djelu iz prethodnog stava.

Član 17.

O oduzimanju Nagrade odlučuje Gradsko vijeće na prijedlog Odbora.

Odluka o oduzimanju Nagrade objavljuje se u "Službenim novinama Kantona Sarajevo" i sredstvima javnog informisanja.

Član 18.

Članovi Odbora imaju pravo na naknadu za svoj rad.

Visinu naknade iz stava 1. ovog člana, utvrđuje Administrativna komisija Gradskog vijeća.

Član 19.

Sredstva za dodjeljivanje Nagrade i za rad Odbora obezbjeđuju se u Budžetu Grada Sarajeva.

Član 20.

Služba Gradskog vijeća vrši stručne i administrativne poslove i vodi evidenciju o dodijeljenim Nagradama.

Član 21.

Gramatička terminologija korištenja muškog i ženskog roda u ovoj Odluci podrazumijeva uključivanje oba roda.

Broj 02-02-177/12
18. januara 2012. godine
Sarajevo

Predsjedavajući
Komisije za statut i akte
Gradskog vijeća Grada Sarajeva
Mustafa Resić, s. r.

OPĆINA CENTAR

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 16.02.2012. godine, verifikovao je i donio

ODLUKU

O KOREKCIJI REGULACIONOG PLANA "PARK-ŠUMA HUM"

Član 1.

Utvrđuje se korekcija Regulacionog plana "Park-šuma Hum" ("Službene novine Kantona Sarajevo", broj 23/09), u daljem tekstu: korekcija Plana.

Član 2.

Korekcijom Plana, vrši se usklađivanje planirane građevinske parcele sa vlasničkom parcelom, označenom po

novom premjeru kao k.č. broj 459 K.O. Sarajevo VI, što po starom premjeru odgovara k.č. broj 623/1 K.O. Koševo.

Dio parcele na koju se odnosi predmetna Korekcija Plana, nalazi se u zoni individualnog stanovanja i na uslovno stabilnom terenu (US), a drugi dio parcele se nalazi u zoni zaštitnog zelenila, obzirom da prema stabilnosti terena, spada u kategoriju potencijalno nestabilnog terena (PNT).

Na dijelu parcele koji se nalazi u zoni individualnog stanovanja, planirana je izgradnja individualnog stambenog objekta, horizontalnog gabarita (8,0 x 10,0)m i spratnosti P+I+M.

Član 3.

Korekcija Plana sastoji se iz tekstualnog dijela i grafičkih priloga: izvoda iz Regulacionog plana "Park-šuma Hum" (list br. 1) R 1:1000, "Planirano stanje" (list br. 2) R 1:500, "Analitička obrada parcela" (tabelarni prikaz) i "Plan parcelacije sa mrežom građevinskih i regulacionih linija", R 1:500.

Tekstualni dio i grafički prilozi korekcije Plana, sastavni su dio Regulacionog plana "Park-šuma Hum" ("Službene novine Kantona Sarajevo", broj 23/09).

Član 4.

Korekcija Plana je rađena za fazu urbanizma i separat "Analitička obrada građevinskih parcela", a obaveza investitora je da za faze komunalne infrastrukture i saobraćaja, izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Park-šuma Hum", te da pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-4138/11
16. februara 2012. godine

Općinski načelnik
Dževad Bećirević, s. r.

Napomena: Objavljeno na oglasnoj ploči Općine Centar dana 16.02.2012. godine

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), Općinski načelnik, dana 16.02.2012. godine, verifikovao je i donio

ODLUKU

O KOREKCIJI REGULACIONOG PLANA "ČOBANIJA"

Član 1.

Utvrdjuje se korekcija Regulacionog plana "Čobanija" ("Službene novine Kantona Sarajevo", broj 20/09), u daljem tekstu: korekcija Plana.

Član 2.

Korekcijom Plana utvrđeni su planski preduvjeti za zadržavanje stambenih objekata i to objekta spratnosti P+I, izgrađenog na k.č. 960/2 K.O. Sarajevo VIII i objekta u površini 57 m², spratnosti prizemlje, izgrađenog na dijelu k.č. 960/1 K.O. Sarajevo VIII, a prema slijedećim urbanističko - tehničkim uslovima, odnosno na način:

Zadržava se postojeće izgrađeno stanje na terenu sa postojećom spratnošću objekata, odnosno objekat na parceli dio 960/2 i objekat u površini 57 m² na dijelu parcele 960/1 obje u K.O. Sarajevo VIII, Općina Centar. Spratnost objekta na parceli 960/2 iznosi P+I, a spratnost objekta površine 57 m², izgrađenog na dijelu k.č. 960/1 iznosi P.

- Postojeći objekti su definisani u grafičkom prilogu "Situacija- planirano stanje".
- Planirana saobraćajnica se ukida, obzirom da se zadržavaju postojeći objekti i postojeće garaže na terenu, te se zadržava postojeći pristup predmetnim objektima na terenu.

Član 3.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa idejnim rješenjima, koja su sastavni dio Regulacionog plana "Čobanija", te da pribavi saglasnost nadležnih javnih komunalnih preduzeća.

Član 4.

Korekcija Plana sastoji se od tekstualnog dijela i grafičkih priloga:

Izvod iz Regulacionog plana "Čobanija" M = 1:1000;

Korekcije Plana - "Situacija - planirano stanje" M = 1:250

Tekstualni i grafički prilozi Korekcije Plana sastavni su dio Regulacionog plana "Čobanija" ("Službene novine Kantona Sarajevo", broj 20/09).

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-5458/09
16. februara 2012. godine

Općinski načelnik
Dževad Bećirević, s. r.

Napomena: Objavljeno na oglasnoj ploči Općine Centar dana 16.02.2012. godine.

OPĆINA HADŽIĆI

Općinsko vijeće

Na osnovu člana 24. Statuta Općine Hadžići ("Službene novine Kantona Sarajevo", broj 15/09), člana 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08), člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05,

81/08 i 22/09) Odluke o klasifikaciji djelatnosti BiH 2010 ("Službeni glasnik BiH", broj 47/10, Općinsko vijeće Općine Hadžići na 32. sjednici održanoj 02. februara 2012. godine donosi